

中国史学要籍丛刊

史通



〔唐〕刘知幾撰 〔清〕浦起龙 通释

上海古籍出版社

中国史学要籍丛刊

史通

〔唐〕刘知幾撰 〔清〕浦起龙通释

图书在版编目(CIP)数据

史通 / (唐)刘知幾撰; (清)浦起龙通释. —上
海: 上海古籍出版社, 2015.7
(中国史学要籍丛刊)
ISBN 978-7-5325-7310-3

I. ①史… II. ①刘… ②浦… III. ①史学理论—中
国—唐代②《史通》—注释 IV. ①K092.42

中国版本图书馆 CIP 数据核字(2014)第 142983 号

中国史学要籍丛刊

史 通

[唐]刘知幾 撰

[清]浦起龙 通释

上海世纪出版股份有限公司 出版
上 海 古 籍 出 版 社

(上海瑞金二路 272 号 邮政编码 200020)

(1) 网址: www.guji.com.cn

(2) E-mail: guji1@guji.com.cn

(3) 易文网网址: www.ewen.co

上海世纪出版股份有限公司发行中心发行经销

江阴金马印刷有限公司印刷

开本 890×1240 1/32 印张 17.625 插页 2 字数 490,000

2015 年 7 月第 1 版 2015 年 7 月第 1 次印刷

印数: 1—1,500

ISBN 978-7-5325-7310-3

K · 1882 定价: 48.00 元

如有质量问题, 请与承印公司联系

史通原序

〔唐〕彭城刘知幾撰

长安二年,^①余以著作佐郎兼修国史,寻迁左史,于门下撰起居注。会转中书舍人,暂停史任,俄兼领其职。今上即位,除著作郎、太子中允、率更令,其兼^②修史皆如故。^③又属大驾还京,以留后在东^④都。无几,驿征入京,专知史事,仍迁秘书少监。^⑤自惟历事二主,从宦^⑥两京,遍居司籍之曹,久处载言之职。昔马融三入东观,汉代称荣;张华再典史官,晋朝称美。嗟予小子,兼而有之。是用职思^⑦其忧,不遑启处。^⑧尝以载削余暇,商榷^⑨史篇,下笔不休,遂盈筐篋。于是区分类聚,编而次之。^⑩

昔汉世诸儒,集论经传,定之于白虎阁,因名曰《白虎通》。予既在史馆而成此书,故便以《史通》为目。且汉求司马迁后,封为史通子,是知史之称通,其来自久。博采众议,爰定兹名。^⑪凡为廿卷,列之如左,合若干言。旧注:除所阙篇,凡八万三千三百五十二字,注五千四百九十八字。^⑫于时岁次庚戌,景龙四年^⑬仲春之月也。

按：此刘氏《自序》，当冠正目之首，诸本错置后人序例之间，非体。观此一序，简明典切，即可征其史笔之洁。古者经疏、文选，凡有自序者，皆与正书同注。王本此篇亦有注，愚亦遵用之。

- ① 武后临朝第十九年，至此十六改元。
- ② 旧脱“兼”字。
- ③ 兼修史，以领职言，脱“兼”字则非。
- ④ 旧脱“东”字。
- ⑤ 释：首叙历官，即《自叙》篇所谓“三为史臣，再入东观”也。其注云：“今之史馆，即古之东观。”
- ⑥ 一作“官”。
- ⑦ 旧误作“司”。
- ⑧ 释：此总上历官，拈合当职撰史事，即以引起《史通》之作。
- ⑨ 一作“確”。
- ⑩ 释：此六句暗笼《史通》。
- ⑪ 释：此层明点《史通》，两引古史古事，以见命名所本。
- ⑫ 按：字数今不可定，姑仍旧本存之。
- ⑬ 中宗元，是时复辟六年矣。

大驾还京 注详集终《忤时》篇。

马融三入东观 《后汉书》本传：永初四年，应召，拜为校书郎中，诣东观典校秘书。忤太后旨，禁锢。安帝亲政，召还郎署，复在讲部拜议郎。桓帝时，忤大将军梁冀，免官。得赦还，复拜议郎，重在东观著述。

张华再典史官 《晋书》本传：华学业优博，朗赡多通。卢钦言之于文帝，除著作佐郎。惠帝即位，以华为太子少傅。数年，代下邳王晃为司空，领著作。

白虎通 《后汉·章帝纪》：建初四年，大夫、博士、议郎、郎官及诸生、诸儒会白虎观，讲议《五经》异同，作《白虎议奏》。《班固传》：天子会诸儒讲

论《五经》，作《白虎通德论》，令固撰集其事。《隋·经籍志》：《白虎通》六卷。《唐·艺文志》“通”字下有“义”字。

史通子 《汉书·司马迁传》：太史公仍父子相继纂其职，作本纪、表、书、世家、列传，凡百三十篇，五十二万六千五百字。宣帝时，迁外孙杨恽祖述其书，遂宣布焉。至王莽时，求封迁后为史通子。

目 录

史通原序 / 刘知幾 / 1

称谓第十四 / 100

内篇

卷一 自卷一至卷十为内篇,凡三十六篇。

六家第一 / 3

卷五

采撰第十五 / 107

卷二

二体第二 / 25

载文第十六 / 114

载言第三 / 31

补注第十七 / 122

本纪第四 / 34

因习第十八 / 126

世家第五 / 39

邑里第十九 / 133

列传第六 / 43

卷六

言语第二十 / 138

卷三

浮词第二十一 / 146

表历第七 / 48

叙事第二十二 / 153

书志第八 / 51

卷七

品藻第二十三 / 173

卷四

直书第二十四 / 179

论赞第九 / 74

曲笔第二十五 / 183

序例第十 / 79

鉴识第二十六 / 189

题目第十一 / 84

探赜第二十七 / 194

断限第十二 / 88

卷八

摸拟第二十八 / 202

编次第十三 / 94

书事第二十九 / 211

人物第三十 / 219	卷十三
卷九	疑古第三 / 345
核才第三十一 / 227	卷十四
序传第三十二 / 233	惑经第四 / 362
烦省第三十三 / 239	申左第五 / 381
卷十	卷十五
杂述第三十四 / 246	点烦第六 / 396
辨职第三十五 / 254	卷十六
自叙第三十六 / 260	杂说上第七 / 416
体统亡 / 271	卷十七
纰缪亡 / 271	杂说中第八 / 442
弛张亡 / 271	卷十八
外篇	杂说下第九 / 467
卷十一 自卷十一至卷二十为外篇, 凡十 三篇。	卷十九
史官建置第一 / 275	汉书五行志错误第十 / 491
卷十二	五行志杂驳第十一 / 514
古今正史第二 / 298	卷二十
	暗惑第十二 / 530
	忤时第十三 / 547

「内篇」

卷一

六家第一^①

自古帝王编述文籍，《外篇》^②言之备矣。古往今来，质文递变，诸史之作，不恒厥体。^③榷而为论，其流有六：一曰《尚书》家，二曰《春秋》家，三曰《左传》家，四曰《国语》家，五曰《史记》家，六曰《汉书》家。今略陈其义，列之于后。

按：此篇序也。史体尽此六家，六家各有原委。其举数也，欲溢为七而无欠，欲减为五则不全，是《史通》总挈之纲领也。其辨体也，援驳俪纯而派同，移甲置乙则族乱，是六家类从之畛途也。注家认“家”字不清，要领全没，今为显说之。一，^④记言家也；二，^⑤记事家也；三，^⑥编年家也；四，^⑦国别家也；五，^⑧通古纪传家也；六，^⑨断代纪传家也。会此分配，以观六章，观全书如视掌文矣。

① 合起结共八章。

② 谓《古今正史》篇。此二字一作“史”。

③ 释：二句首提“史”字，揭出全书眼目。

④ 《尚书》。

⑤ 《春秋》。

⑥ 《左传》。

⑦ 《国语》。

⑧ 《史记》。

⑨《汉书》。

《尚书》家者，^①其先出于太古。《易》曰：“河出《图》，洛出《书》，圣人则之。”故知《书》之所起远矣。^②至孔子观书于周室，得虞、夏、商、周四代之典，乃删其善者，定为《尚书》百篇。孔安国曰：“以其上古之书，谓之《尚书》。”《尚书璇玑钤》曰：“尚者，上也。上天垂文焉，^③布节度，如天行也。”王肃曰：“上所言，下为史所书，故曰《尚书》也。”^④推^⑤此三说，其义不同。盖《书》之所主，本于号令，所以宣王道之正义，发话言于臣下，故其所载，皆典、谟、训、诰、誓、命之文。^⑥至如《尧》、《舜》二典直序人事，《禹贡》一篇唯言地理，^⑦《洪范》总述灾祥，^⑧《顾命》都陈丧礼，兹亦为例不纯者也。^⑨

又有《周书》者，^⑩与《尚书》相类，^⑪即孔氏刊约百篇之外，凡为七十一^⑫章。上自文、武，下终灵、景。甚^⑬有明允笃诚，典雅高义；时亦有浅末恒说，淳秽相参，殆似后之好事者所增益也。至若《职方》之言，与《周官》^⑭无异；《时训》之说，比《月令》多同。斯百王之正书，《五经》之别录者也。^⑮

自宗周既殒，《书》体遂废，迄^⑯乎汉、魏，无能继者。^⑰至晋广陵相鲁国孔衍，以为国史所以表言行，昭法式，至于人理常事，不足备列。乃删汉、魏诸史，取其美词典言，足为龟镜者，定以篇第，纂成一家。由是有《汉尚书》、《后汉尚书》、《汉^⑱魏尚书》，凡为二十六卷。^⑲至隋秘书监太原王劭，又录开皇、仁寿时事，编而次之，以类相从，各为其目，勒成《隋书》八十卷。寻其义例，皆准《尚书》。^⑳

原夫《尚书》之所记也，若君臣相对，词旨可称，则一时

之言，累篇咸载。如言无足纪，语无可述，若此^①故事，虽有^②脱略，^③而观者不以为非。爰逮中叶，文籍大备，必剪截今文，摸拟古法，事非改辙，理涉守株。故舒元^④所撰《汉》、《魏》等书，不行于代也。^⑤若乃帝王无纪，公卿缺传，则年月失序，爵里难详，斯并昔之所忽，而今之所要。如君懋^⑥《隋书》，虽欲祖述商、周，宪章虞、夏，观其所述，乃似《孔子家语》、临川《世说》，^⑦可谓画虎不成，反类犬也。故其书受嗤当代，良有以焉。^⑧

按：朱子尝言，古史之体可见者，《书》、《春秋》而已。《史通》首此二家，皆谈史不谈经。注家执经言经，繁引义疏，都无交涉。其首《尚书》家者，刘氏特以记言之体当之云尔。家不类，族不备，人非其伦，书是其体，则以其族归之。不特七十一篇之《周书》为其绪余，若衍若劭等书，皆是记言之族，故亦以类相从。郭本纷纷讥刘氏以狗尾续貂，正缘不识“家”字所由，胥动浮言也。

上古文字何例可说。专以《尚书》属言，其说始自郑、荀，讵云笃论。刘氏不此之辨，而疑《书》例之不纯，固哉言也。^⑨

《尚书》固是史家开体，然不编年，不纪传，原非史体正宗，故后世难为其继，亦不必有继。刘氏讥衍、劭为守株画虎，洵通识也。

① 释：是为记言家。

② 释：上原《书》之所起，下表孔子所定。

③ 古“象”字，一作“以”。

④ 释：三引古语，皆释“尚”字名义。惟此王肃所云，乃与记言意合，是为本处“家”字所宗。

⑤ 一作“唯”。

⑥ 释：数语勒清记言。

⑦ 或作“里”。

⑧ 董、刘五行之说。

⑨ 释：数语以《书》有兼及记事之文，摘出言之。要之，自“孔子观书”至此，总以记言为立说之主也。

⑩ 谓世所传汲冢《周书》。

⑪ 释：亦是记言类也。

⑫ 或作“二”，非。

⑬ 一误作“其”。

⑭ 《周礼》。

⑮ 释：自“又有《周书》”至末所缀三书，皆属记言之体，正为“家”字博其类也。○此节述删余之《周书》，虽其中不无真伪相乱，要是本家绪余，故引而附之。

⑯ 一作“迨”。

⑰ 释：数语转递。

⑱ 衍。

⑲ 卷与《隋志》不合。释：《书》体久废之后，至晋而有孔衍诸书，是后来记言者一家。

⑳ 释：至隋而又有王劭《隋书》，亦是后来记言者一家。○上二家亦以类附，此下则就二家衡论。

㉑ 疑当作“止”。

㉒ 旧无“有”字。

㉓ 四句言有事无言者不收。

㉔ 孔衍字。

㉕ 释：此节论孔衍书也。上世事简，故言亦简；后世文烦，徒以剪弃事实，上拟记言，岂足成书。

㉖ 王劭字。

㉗ 谓体不类史。

㉙ 释：此节论王劭书也。既无纪传，又不编年，徒然掇拾琐言，岂得成史。○二节之意，总谓记言一家，止可行于三古，后世不必仿为也。

㉚ 刘说盖本《尧典》孔《疏》。

尚书百篇 《汉·艺文志》：《易》曰：“河出《图》，洛出《书》，圣人则之。”故《书》之所起远矣。至孔子纂焉，上断于尧，下迄于秦，凡百篇。按：《志》语本孔安国《尚书序》。百篇盖古《尚书》原数也。

孔安国 《史记·孔子世家》：孔子而下，历伯鱼、子思、子上、子家、子京、子高、子慎及鲋，凡八世。鲋弟子襄生忠，忠生武，武生延年及安国。安国为今皇帝博士。《汉·艺文志》：武帝末，鲁共王坏孔子宅，得《古文尚书》，孔安国悉得其书，献之。《尚书》孔《序》：以其上古之书，谓之《尚书》。百篇之义，世莫得闻。

璇玑钤 《后汉·方术传》：樊英善《河》、《洛》、《七纬》。章怀《注》：《七纬》者，《易纬》：《稽览图》、《乾凿度》、《坤灵图》、《通卦验》、《是类谋》、《辨终备》也；《书纬》：《璇玑钤》、《考灵耀》、《刑德放》、《帝命验》、《运期授》也；《诗纬》：《推度灾》、《汜历枢》、《含神雾》也；《礼纬》：《含文嘉》、《稽命征》、《斗威仪》也；《乐纬》：《动声仪》、《稽耀嘉》、《叶图徵》也；《孝经纬》：《援神契》、《钩命决》也；《春秋纬》：《演孔图》、《元命苞》、《文耀钩》、《运斗枢》、《感精符》、《合诚图》、《考异邮》、《保乾图》、《汉含孳》、《佑助期》、《握诚图》、《潜潭巴》、《说题辞》也。

王肃 《魏志·王朗传》：朗子肃，字子雍，中领军、散骑常侍。善贾、马之学，而不好郑氏。采会同异，为《尚书》、《诗》、《论语》、《三礼》、《左氏》解，及撰定父朗所作《易传》，皆列于学官。按：郭本引南齐奔魏之王肃，误。又按：王应麟《困学纪闻》云：《乐书》引《乐记》，《通典》引《大传》，并存王肃《注》，而《集说》以为元魏人，误也。在元魏者，字恭懿，不以经学名。然则误已在宋时矣。而王谓“不以经学名”，亦非。恭懿长于《三礼》，《北史》与刘石经同传，常相辩论往来也。

为例不纯 《汉·艺文志》：左史记言，言为《尚书》；右史记事，事为《春

秋》。荀悦《申鉴》其说同。郑氏《六艺论》：左史所记为《春秋》，右史所记为《尚书》。是以《玉藻》云：“动则左史书之，言则右史书之。”按：王者因事而有言，有言必有事，理势本自相连，珥笔如何分记！况左右配属，班、荀之与郑、戴，又各抵牾。此等皆出自汉儒，难可偏据。魏、晋以来，粘配相沿，杜预以《汉志》为误，《史通》则又以《汉志》为例，遂有“为例不纯”之议，并非。

又有周书 《汉·艺文志》：《周书》七十一篇。刘向云：“周时诰、誓、号令，盖孔子所论百篇之余也。”《困学纪闻》：《隋》、《唐志》系之汲冢，然汲冢得竹书在晋咸宁五年，而太史公、郑康成、许叔重、马融皆引其文，皆在汉世。杜元凯解《左传》时，书亦未出也，亦以《周书》为据。《束皙传》及《左传正义》引王隐《晋书》所载竹书之目，亦无《周书》，然则系于汲冢误矣。今按：《史通》亦多引其书，皆不冠以汲冢，《隋》、《唐志》之误信矣。

职方时训 《逸周书·序》：王化虽弛，天命方永。四夷八蛮，攸遵王政，作《职方》。辩十二气之应，以明天时，作《时训》。按：浚仪王氏《纪闻》引此序，“十二气”作“二十四气”。

孔衍魏汉尚书 《晋·儒林传》：孔衍字舒元，孔子二十二世孙。中兴初，补中书郎，出为广陵郡。凡所撰述，百余万言。《唐·艺文志》：孔衍《汉尚书》十卷、《后汉尚书》六卷、《后魏尚书》十四卷。按：后魏“后”字衍文。

王劭隋书 《隋书》：王劭字君懋。授著作郎，迁秘书少监，专典国史。撰《隋书》八十卷，多录口敕，又采迂怪委巷之言，以类相从，为其题目。

守株 《韩非·五蠹》：宋人耕田，田中有株，兔走触株而死。因释耒而守株，冀复得兔。兔不可得，为宋国笑。《摸拟》篇用其语稍详。

家语 王肃《注》，《后序》：《孔子家语》者，与《论语》、《孝经》并时。弟子取其正实而切事者，别出为《论语》，其余则都集录之。晁氏《读书志》：凡四十四篇，刘向校录止二十七篇。王肃得此于孔猛家。朱子《与吕伯恭书》：《程氏遗书》若只暗地删却，久后易惑人。记《论语》者只为如此，留下《家语》，至今作病痛也。

临川世说 《宋书·宗室传》：临川王道规无子，以长沙景王子义庆为

嗣。高氏《讳略》：义庆采掇汉、晋以来佳事佳话，为《世说新语》。《读书志》：刘知幾颇言此书非实录，予亦云。

《春秋》家者，^①其先出于三代。^②案《汲冢琐语》记太丁时事，目为《夏殷春秋》。^③孔子曰：“疏通知远，《书》教也。”“属辞比事，《春秋》之教也。”知《春秋》始作，与《尚书》同时。《琐语》又有《晋春秋》，记献公十七年事。《国语》云：晋羊舌肸习于春秋，悼公使傅其太子。《左传》昭二年，晋韩宣子来聘，见《鲁春秋》曰：“周礼尽在鲁矣。”斯则春秋之目，事匪一家。至于隐没无闻者，不可胜载。又案《竹书纪年》，其所纪事皆与《鲁春秋》同。《孟子》曰：“晋谓之乘，楚谓之梼杌，而鲁谓之春秋，其实一也。”然则乘与纪年、梼杌，其皆春秋之别名者乎！故《墨子》曰“吾见百国春秋”，盖皆指此也。^④

逮仲尼之修《春秋》也，乃观周礼之旧法，遵鲁史之遗文；据行事，仍人道；就败以明罚，因兴以立功；假日月而定历数，籍^⑤朝聘而正礼乐；微婉其说，志^⑥晦其文；为不刊之言，著将来之法，故能弥历千载，而其书独行。^⑦

又案儒者之说春秋也，以事系日，以日系月；言春以包夏，举秋以兼冬，年有四时，故错举以为所记之名也。苟如是，则晏子、虞卿、吕氏、陆贾，其书篇第，本无年月，而亦谓之春秋，盖有异于此者也。^⑧

至太史公著《史记》，始以天子为《本纪》，考其宗旨，如法^⑨《春秋》。自是为国史者，皆用斯法。然时移世异，体式不同。其所书之事也，皆言罕褒讳，事无黜陟，故马迁所谓整齐故事耳，安得比于《春秋》哉！^⑩